


Služba za privredu

Broj: 02/1-9-19-478/2026

Breza, 25.02.2026. godine

Stručna služba Općinskog vijeća

- Ovdje



**PREDMET:** Odgovor na vijećničku inicijativu, dostavlja se

Na 14. redovnoj sjednici Općinskog vijeća, održanoj dana 30.01.2026. godine, u okviru vijećničkih pitanja i inicijativa, vijećnica Velić Mirha je podnijela inicijativu o postavljanju tri „ležeća policajca“ ili usporivača na lokalnoj cesti Bulbulušići -Kamenice .

Ista glasi: „ Stanovništvo MZ Mahala-podružnica Bulbulušići je iskazalo nezadovoljstvo kretanja automobila na dionici od džamije u Bulbulušićima do naselja Kamenice, tačnije tzv.Zaimovića kuća. Žale se na brzu vožnju i ugrožavanje stanovnika, pješaka, pa i djece koja se kreću istom, te se moli nadležna služba da se u skorije vrijeme postave bar 3 kom. ležećih policajaca ili usporivača na pomenutoj dionici.“

Povodom vijećničke inicijative podnesene na 14. redovnoj sjednici Općinsko vijeće Breza, održanoj dana 30.01.2026. godine, kojom se traži postavljanje tri usporivača saobraćaja („ležeća policajca“) na lokalnoj cesti Bulbulušići–Kamenice, na dionici od džamije u Bulbulušićima do naselja Kamenice (lokalitet tzv. Zaimovića kuća), Služba dostavlja sljedeći odgovor:

Pitanje postavljanja usporivača saobraćaja regulisano je odredbama Zakona o osnovama sigurnosti saobraćaja na putevima u Bosni i Hercegovini, kao i podzakonskim aktima koji regulišu saobraćajnu signalizaciju i opremu na cestama.

U skladu sa navedenim propisima, postavljanje usporivača saobraćaja nije moguće vršiti pojedinačno i bez prethodno izrađene tehničke dokumentacije, već se isto može realizovati isključivo na osnovu izrađenog i odobrenog Projekta saobraćajnog smirivanja, koji mora sadržavati:

- saobraćajnu analizu predmetne dionice,
- opravdanost primjene mjera smirivanja saobraćaja,
- precizno definisane lokacije i tehničke karakteristike usporivača,
- horizontalnu i vertikalnu signalizaciju,
- saglasnost nadležnog organa i mišljenje policije.

S tim u vezi, Služba će izvršiti preliminarni terenski uvid i pribaviti mišljenje nadležne Policijske stanice o stanju sigurnosti na predmetnoj dionici. Ukoliko se utvrdi opravdanost uvođenja mjera smirivanja saobraćaja, pristupit će se pokretanju procedure izrade projekta saobraćajnog smirivanja od strane ovlaštenog projektanta.

Napominjemo da izrada projektne dokumentacije, pribavljanje saglasnosti i sama realizacija radova podliježu planiranju u okviru budžetskih sredstava predviđenih za unapređenje saobraćajne infrastrukture, te će eventualna implementacija biti moguća nakon ispunjenja zakonskih uslova i obezbjeđenja finansijskih sredstava.

Služba cijeni inicijativu vijećnice kao opravdanu sa aspekta povećanja sigurnosti pješaka, posebno djece, ali naglašava da se sve mjere u oblasti saobraćaja moraju provoditi isključivo u skladu sa zakonom i važećim tehničkim standardima, kako bi se izbjegle negativne posljedice po sigurnost i funkcionalnost saobraćaja.

Po okončanju preliminarnih aktivnosti, Općinsko vijeće će biti blagovremeno informisano o daljnjim koracima.

Obrađivač: R.Mušanović



Dostavljeno:

1 x Naslov


1 x evidencija

1 x a/a





Služba za privredu  
Broj: 02/1-9-19-477/2026  
Breza, 25.02.2026. godine



**SLUŽBA OPĆINSKOG VIJEĆA I OPĆINSKOG NAČELNIKA**  
**- OPĆINSKO VIJEĆE -**

**Predmet: Odgovor na pokrenutu inicijativu, dostavlja se**

Na 14. redovnoj sjednici Općinskog vijeća Breza održanoj dana 30.01.2026. godine, u okviru vijećničkih pitanja, vijećnik Anel Rihčić, u pismenoj formi je pokrenuo vijećničku inicijativu koja glasi:

*„Podnosim inicijativu da se pristupi izgradnji pješačke staze od skretanja u naselje Bate do Vrankamena. Inicijativa je od velikog značaja za stanovnike Vrankamena.“*

U vezi pokrenute vijećničke inicijative dostavljamo sljedeći odgovor:

Općina Breza je u prethodnoj godini izradila Glavni projekat izgradnje pješačke staze uz regionalnu cestu, na dionici od naselja Bate do naselja Vrankamen, te podnijela zahtjev za izdavanje urbanističke saglasnosti za navedeni objekat. Međutim zbog potrebe za većim zasjecanjem okolnog terena, u krivini veoma malog radiusa, a u blizini kojeg su izgrađeni i pomoćni objekti, potrebno je izgraditi i potporne zidove kako bi se postigla statička stabilnost čitave dionice tj. spriječilo obrušavanje terena koje bi ugrozilo i pomoćne objekte ali i saobraćajnicu. Projekat pješačke staze nije tretirao ove potporne zidove te je potrebno izraditi projekat potpunih zidova ili izvršiti dopunu Glavnog projekta pješačke staze, a čemu će se pristupiti u narednom periodu.

S poštovanjem!

Obrađivač:

Edvina Kadrić-Velić, dipl.ing.saob.

Dostavljeno:

1 x Naslov

1 x a/a



Pomoćnik načelnika

Hans Nefić




Služba za privredu

Broj: 02/1-9-19-478/2026

Breza, 25.02.2026. godine

**Stručna služba Općinskog vijeća**

- Ovdje



**PREDMET:** Odgovor na vijećničku inicijativu, dostavlja se

Na 14. redovnoj sjednici Općinskog vijeća, održanoj dana 30.01.2026. godine, u okviru vijećničkih pitanja i inicijativa, vijećnik Salkić Osman je podnio vijećničku inicijativu koja se odnosi na izlazak nadležne Službe na teren radi evidentiranja oštećenja lokalne ceste Kahve-izbod i nastalih rigola tokom zimske sezone.

Ista glasi: „ Na osnovu člana 24. Statuta Općine Breza, podnosim vijećničku inicijativu kojom tražim da nadležna općinska služba izađe na teren radi evidentiranja oštećenja ceste i rigola nastalih tokom zimske sezone.

Kao konkretan primjer stanja na terenu ističem lokalnu cestu Kahve-Izbod, na kojoj su vidljiva značajna oštećenja kolovoza i rigola, nastala tokom zimske sezone.

Ovom inicijativom predlažem da nadležna općinska služba, u što skorijem roku, izvrši izlazak na teren na području naše lokalne zajednice, s ciljem utvrđivanja stvarnog stanja lokalnih puteva i cesta, kao i prateće odvodnje (rigola), a posebno u dijelu novonastalih oštećenja.

Tokom protekle zimske sezone došlo je do značajnih oštećenja kolovoza i rigola, usljed niskih temperatura, smrzavanja i odmrzavanja, povećane vlage, kao i djelovanja zimske službe ( posipanje, čišćenje snijega i sl.). Navedeni faktori su na više lokacija uzrokovali pojavu rupa, pucanje asfalta, propadanje ivica kolovoza, te oštećenja sistema odvodnje.

Smatram neophodnim da se izvrši detaljna terenska procjena i evidencija svih uočenih oštećenja, kako bi se na osnovu iste izradio realan i održiv plan sanacije kroz redovno i vanredno ljetno održavanje. Plan sanacije potrebno je utvrditi po jasno definisanim prioritetima, uzimajući u obzir stepen oštećenja, frekventnost saobraćaja, blizinu stambenih i javnih objekata, te potencijalne rizike po sigurnost učesnika u saobraćaju. Također, predlažem da nadležna služba sačini pisani izvještaj o utvrđenom stanju na terenu, koji bi bio prezentovan Općinskom vijeću Breza na narednoj sjednici, zajedno sa okvirnom finansijskom konstrukcijom predloženih mjera sanacije.

Cilj ove inicijative je, prije svega, povećanje sigurnosti svih učesnika u saobraćaju, odnosno građana, ali i spriječavanje daljeg propadanja i širenja oštećenja na cestama, što bi u budućnosti moglo dovesti do znatno većih troškova sanacije.

Uvjeren sam da će pravovremena reakcija i plansko djelovanje doprinijeti očuvanju putne infrastrukture i unapređenju kvaliteta života građana naše lokalne zajednice.

Molim da se ova inicijativa uputi nadležnoj službi na postupanje“.

U vezi podnesene vijećničke inicijative, kojom se traži izlazak nadležne službe na teren radi evidentiranja oštećenja lokalnih cesta i rigola nastalih tokom zimske sezone, a posebno na dionici Kahve–Izbod, Služba dostavlja sljedeći odgovor:

Nadležna služba će u narednom periodu izvršiti terenski obilazak predmetne dionice, kao i drugih lokalnih puteva na području općine, s ciljem evidentiranja oštećenja kolovoza i sistema odvodnje nastalih usljed zimskih vremenskih uslova i djelovanja zimske službe.

Terenski pregled obuhvatit će:

- evidentiranje udarnih rupa, pukotina i deformacija kolovoza,
- pregled stanja ivica ceste,
- provjeru funkcionalnosti rigola i sistema odvodnje,
- fotodokumentovanje zatečenog stanja.

Na osnovu prikupljenih podataka sačinit će se zapisnik i izvršiti kategorizacija oštećenja prema stepenu prioriteta, vodeći računa o sigurnosti saobraćaja, frekventnosti putne komunikacije i značaju za lokalno stanovništvo. Po okončanju terenskog obilaska i analize stanja, Služba će sačiniti pisani izvještaj sa prijedlogom mjera i okvirnom procjenom potrebnih sredstava, koji će biti dostavljen Općinskom vijeću na razmatranje.

Ističemo da će realizacija jednog dijela sanacionih mjera biti planirana u skladu sa Programom redovnog održavanja lokalnih cesta za tekuću budžetsku godinu (intervencije koje predstavljaju neposredan rizik za sigurnost učesnika u saobraćaju ).

Imajući u vidu ukupne potrebe na području općine, sanacija će se provoditi fazno, prema utvrđenim prioritetima i stvarnim finansijskim mogućnostima, uz napomenu da će obimnije sanacije biti planirane u okviru budžetskih projekcija ili eventualnog rebalansa budžeta ili kroz kandidovanje projekata prema višim nivoima vlasti i nadležnim fondovima.

Shodno svemu naprijed navedenom, Služba smatra inicijativu opravdanom i u funkciji unapređenja sigurnosti saobraćaja i očuvanja putne infrastrukture, te će poduzeti aktivnosti u skladu sa svojim nadležnostima i mogućnostima.

S poštovanjem,

Obrađivač: R.Mušanović



Dostavljeno:

- 1 x Naslov
- 1 x evidencija
- 1 x a/a






Služba za privredu

Broj: 02/1-13-23-155/2026

Breza, 25.02.2026. godine

**SLUŽBA OPĆINSKOG VIJEĆA I OPĆINSKOG NAČELNIKA**  
**- OPĆINSKO VIJEĆE -**



**Predmet: Odgovor na pokrenutu inicijativu, dostavlja se**

Na 13. redovnoj sjednici Općinskog vijeća Breza održanoj dana 26.12.2025. godine, u okviru vijećničkih pitanja, vijećnik Mirza Smailbegović, u pismenoj formi je pokrenuo vijećničku inicijativu koja glasi:

*„Podnosim inicijativu za postavljanje stacionarnog radara za kontrolu brzine vozila u naselju Šaš s obzirom da su mještani odbijeni sa zahtjevom za postavljanje usporivača, a sve u cilju zaštite imovine i ljudi, jer veliki broj vozača nepoštuje ograničenje brzine kretanja na regionalnom putu R-444.“*

U vezi pokrenute vijećničke inicijative dostavljamo sljedeći odgovor:

Obzirom da je Uprava policije Ministarstva unutrašnjih poslova ZDK nadležna za poslove sigurnosti, kontrole i regulisanja saobraćaja na području Kantona, te da je na zahtjev Policijske stanice Breza izvršeno postavljanje stacionarnog radara u naselju Potkraj, Vašu inicijativu smo prosljedili nadležnoj policijskoj stanici. Odgovor na istu Vam dostavljamo u prilogu.

S poštovanjem!

Prilog: Informacija PS Breza

Obrađivač:

Edvina Kadrić-Velić, dipl.ing.saob.

Dostavljeno:

1 x Naslov

1 x a/a






Broj: 08-02-09/3-1-03-1-192-1/26

Datum: 22.01.2026. godine

**OPĆINA BREZA**  
**Općinski načelnik**  
**Ulica Bogumilska br.1, općina Breza**  
**71370 Breza**



VEZA: Vaš akt, broj: 02/1-13-23-155/2026 od 19.01.2026.godine.

PREDMET: Informacija, dostavlja se;

U vezi vašeg akta, broj i datum veze, obavještavamo vas da je izvršeno postavljanje stacioniranog radara na regionalnom putu R-444, u ulici Rudarska, općina Breza, u neposrednoj blizini mjesta Šaš, općina Breza.

Uprava policije Ministarstva unutrašnjih poslova ZDK, je izvršni organ koji se bavi poslovima sigurnosti, kontrole i regulisanja saobraćaja na putevima Kantona, te drugim poslovima sigurnosti u oblasti saobraćaja utvrđeni posebnim zakonom i podzakonskim aktima i poslovi kontrole kretanja oružja i vojne opreme na području Kantona. Federalno ministarstvo za saobraćaj nadležno za izradu, studija, elaborata, strategije i politika iz oblasti cestovnog prometa, kao i Kantonalna direkcija za ceste ZDK.

Policijska stanica Breza će u narednom periodu, ukoliko bude imala na raspolaganju mobilni radar za mjerenje brzine učesnika u saobraćaju, isti će koristiti za mjerenje brzine na planski predviđenim lokacijama. Također će biti planirano i povremeno mjerenje brzine kretanja učesnika u saobraćaju mobilnim radarom u mjestu Šaš, općina Breza, kako bi se preventivno i represivno djelovalo na učesnike u saobraćaju.

**Dostavljeno:**

- Naslovu
- 3-1




**ZA KOMANDIRA POLICIJSKE STANICE BREZA**  
**PO OVLAŠTENJU**  
**INSPEKTOR**  
**AŠČALIĆ ALMEDINA**

Tel. 032/783-411,  
[www.mupzdk.gov.ba](http://www.mupzdk.gov.ba)  
E-mail: [mupzdk@mupzdk.gov.ba](mailto:mupzdk@mupzdk.gov.ba)



Služba za privredu  
Broj: 02/1-9-19-475/2026  
Breza, 25.02.2026. godine



**SLUŽBA OPĆINSKOG VIJEĆA I OPĆINSKOG NAČELNIKA**  
**- OPĆINSKO VIJEĆE -**

**Predmet: Odgovor na pokrenutu inicijativu, dostavlja se**

Na 14. redovnoj sjednici Općinskog vijeća Breza održanoj dana 30.01.2026. godine, u okviru vijećničkih pitanja, vijećnik Mirza Smailbegović, u pismenoj formi je pokrenuo vijećničku inicijativu koja glasi:

*„Na potezu od O.Š. Mahala do izlivanja iste u rijeku Stavnju usljed velikih padavina i topljenja snijega dolazi do izlivanja fekalija u školsko dvorište i plavljenje okolnih objekata. U kojoj je fazi projekat rekonstrukcije kanalizacione mreže koja je većim dijelom začepljena.“*

U vezi pokrenute vijećničke inicijative dostavljamo sljedeći odgovor:

Kanalizaciona mreža u naselju Smailbegovići nalazi se u nadležnosti Mjesne zajednice Mahala. Zbog nemogućnosti da samostalno riješi nastali problem, Općina Breza je, nakon neuspjelih pokušaja čišćenja mreže, pristupila izradi projektno-tehničke dokumentacije za oborinski i fekalni kolektor u dijelu obuhvata RP Poljice.

Nakon snimanja terena, izrade ažurne geodetske situacije i prvog situacionog prijedloga predmetnog kolektora, utvrđeno je da je došlo do značajnog slijeganja terena na lokaciji školskog igrališta i okolnog područja. Naime, kota dna nove oborinske kanalizacije, pri minimalno usvojenom padu, u prihvatnoj šahti iznosi 472,79 mnv, dok je stvarna kota dna postojeće šahte 473,92 mnv. Iz navedenog proizlazi da se nova kanalizacija ne može priključiti na planiranu prihvatnu šahtu kod regionalne ceste, jer je ista viša za 113 cm u odnosu na novu niveletu. U slučaju podizanja nivelete, ukopavanje cijevi na jednoj dionici bilo bi gotovo u ravni sa terenom. Fekalna kanalizacija nalazi se dodatnih 30–35 cm niže u odnosu na oborinsku, te se također nema gdje priključiti.

Shodno navedenom, ponovo je proveden postupak javne nabavke za izradu projektno-tehničke dokumentacije kanalizacione mreže u naselju Smailbegovići – faza II, čiji je predmet dionica kanalizacione mreže od prihvatne šahte kod regionalne ceste do rijeke Stavnje. Kako nova kanalizaciona mreža ne bi prolazila kroz lokalitet sa gusto izgrađenim privatnim objektima (između regionalne ceste i rijeke, uz koje prolazi postojeća kanalizacija), čime bi se uzrokovali dodatni troškovi vraćanja uređenih dvorišta u prvobitno stanje, a imajući u vidu da postojeća dionica na tom lokalitetu uredno funkcioniše, pristupilo se usvajanju potpuno nove trase

kanalizacione mreže od regionalne ceste do rijeke Stavnje.

Do sada su dostavljena dva prijedloga trase, te su u toku aktivnosti na uspostavljanju kontakta i pribavljanju prethodnih saglasnosti vlasnika privatnih parcela kroz koje je planirano pružanje nove trase, a obzirom na to da su vlasnici predmetnih parcela strani državljeni, to dodatno otežava i usporava postupak pribavljanja potrebnih saglasnosti.

S poštovanjem!

Obrađivač:

Edvina Kadrić-Velić, dipl.ing.saob.

Dostavljeno:

1 x Naslov

1 x a/a





Služba za privredu  
Broj: 02/1-13-23-153/2026  
Breza, 25.02.2026. godine



**SLUŽBA OPĆINSKOG VIJEĆA I OPĆINSKOG NAČELNIKA**  
**- OPĆINSKO VIJEĆE -**

**Predmet: Odgovor na pokrenutu inicijativu, dostavlja se**

Na 13. redovnoj sjednici Općinskog vijeća Breza održanoj dana 26.12.2025. godine, u okviru vijećničkih pitanja, vijećnik Mirza Smailbegović, u pismenoj formi je pokrenuo vijećničku inicijativu koja glasi:

*„Podnosim inicijativu na zahtjev mještana naselja Smailbegovići, gdje su postavljeni usporivači ili ležeći policajci na način da se izvrši smanjenje istih na način kako je to izvršeno u naselju Župča a sve zbog šteta koje nastaju na vozilima mještana i ostalih lica.“*

U vezi pokrenute vijećničke inicijative dostavljamo sljedeći odgovor:

Zbog problema koji su nastali nakon postavljanja objekata za smirivanje saobraćaja u MZ Župča, kao i zbog različitih stavova mještana koji su se pojavili nakon njihove ugradnje — pri čemu jedni zahtijevaju njihovo potpuno uklanjanje, drugi smanjenje visine, a treći su potpisali peticiju za postavljanje dodatnih ovakvih objekata — Vašu inicijativu prosljedili smo Mjesnoj zajednici Mahala, Podružnici Smailbegovići, radi izjašnjenja.

Do današnjeg dana nismo zaprimili njihov odgovor.

S poštovanjem!

Prilog: Informacija

Obrađivač:

Edvina Kadrić-Velić, dipl.ing.saob.

Dostavljeno:

1 x Naslov

1 x a/a





Služba za privredu  
Broj: 02/1-13-23-153/2026  
Breza, 19.01.2026.god.

**Mjesna zajednica Mahala  
Podružnica Smailbegovići  
n/r Amar Smailbegović**

**Predmet:** Informacija, traži se

Shodno Vašem zahtjevu, u toku mjeseca avgusta 2025. godine na lokalnoj cesti koja prolazi kroz naselje Smailbegovići, postavljeni su objekti za smirivanje brzine vozila („ležeći policajci“) a u skladu sa Pravilnikom o postavljanju posebnih objekata na cesti radi smanjenja brzine kretanja vozila i Smjernicama za projektovanje, građenje, održavanje i nadzor nad putevima.

Na sjednici Općinskog vijeća održanoj 26.12.2025.godine vijećnik Mirza Smailbegović je podnio vjećničku inicijativu koja se odnosi na smanjenje visine navedenih objekata zbog šteta koje nastaju na vozilima mještana i ostalih lica.

Kako do današnjeg dana nismo zaprimili druge primjedbe kao ni prijave za nastale štete na vozilima mještana, molimo vas da održite sastanak i razmotrite ovo pitanje u svojoj podružnici te nas o istom obavjestite pismenim putem.

Napominjemo da su predmetni objekti postavljeni u skladu s Pravilnikom o postavljanju posebnih objekata na cesti radi smanjenja brzine kretanja vozila i Smjernicama za projektovanje, građenje, održavanje i nadzor nad putevima, na pravilnom razmaku jedan od drugog, propisane visine i širine, te da prilikom prilagođene brzine vožnje (propisane postavljenim znakom ograničenja brzine) ne može doći do oštećenja na vozilima.

Također Općina Breza neće preuzeti odgovornost ako se na navedenoj dionici nastavi bahata vožnja kao i noćne trke automobilima i motorima.

S poštovanjem!

Obrađivač: Edvina Kadrić-Velić

Dostavljeno:

1 x Naslov

1 x a/a

Primijeno	ČASUM	LEPIS
Preporučeno		
Sravnjeno		
Opremljeno	9-01-2026	

